

Sauni e lesitala ma palota



**ELECTORAL
COMMISSION**
TE KAITIAKI TAKE KŌWHIRI

ROE47 A4 Samoan 07/2024

Aiseā e mana'omia ai ona lesitala ina ia palota?

Afai ua e lesitala e palota, o le a mafai ona faaali sou finagalo i faigapalota lautele, faigapalota faaitumalo ma fesili faapalota poo pelepese. O le faigapalota o se avanoa lea mo oe ina ia faaali ai sou manatu poo ai e te mana'o e fai ma ou sui i le Palemene poo le tou pulega faaitumalo i mataupu e te manatu mamafa iai.

E mafai ona e faamautinoa e amana'ia lou manatu e ala i lou lesitala e palota.



O ai e mafai ona lesitala ina ia palota?

E tatau ona e lesitala pe afai:

- ua 18 ou tausaga pe sili atu, ma
- o oe o se sitiseni Niu Sila pe nofomau i Niu Sila, ma
- e silia ma le tausaga talu ona faaauau pea ona e nofo i Niu Sila i se vaitaimi o lou olaga.

Afai o oe o se Ausetalia, Atu Kuki, Niue poo se To'elau, e mafai ona e lesitala pe afai ua 12 masina talu ona faaauau pea ona e nofo i Niu Sila.

Afai o loo e alala i nuu mamao e mafai ona e lesitala pe afai:

- o oe o se sitiseni Niu Sila ma sa e iai i totonu o Niu Sila i le tolu tausaga talu ai, poo

- oe o se tagata nofomau o Niu Sila ma sa e iai i totonu o Niu Sila i le 12 masina talu ai.

Mo fuafuaga tau palota, o se tagata nofomau (permanent resident) o se tasi o loo nofo faatulafonoina i Niu Sila ma e lē o mana'omia ona toe tuua le atunuu i se vaitaimi ma'oti. E aofia ai se tasi o loo iai se visa e nofo ai (resident visa).

E mafai ona e lesitala pe a atoa le 17 o ou tausaga. Pe a atoa lou 18, o le a otometi ona e lesitala ma o le a e sauni ai e palota.



Lesitala ina ia palota pe afai o oe o se Māoli

Afai e iai sou tupuaga Māoli ma o le taimi muamua lea ua e lesitala ai, e te filifili poo lē fea le lola palota e te mana’o e lesitala ai: lola palota o le faigapalota lautele poo le lola palota a Māoli.

Afai ua mae’a ona e lesitala, e mafai ona sui le lola e te lesitala ai i soo se taimi, se’i vagana ai:

- pe a toe 3 masina oo i le faigapalota lautele poo le faigapalota i tou pulega faaitumalo
- a o le’i faia se faigapalota laitiiti faapalemene, pe afai o lena suiga o le a sui atu ai oe i le itumalo faapalota lea o le a faia ai le faigapalota laitiiti.

O le ā le tāua o le lola e te filifilia iā te oe?

O lau filifiliga o le a aafia ai le itumalo faapalota e mafai ona e palota ai ma le tagata e te palota ai mo faigapalota lautele ma faigapalota mo pulega faaitumalo.

Afai e te filifilia le lola o faigapalota lautele, o le a e palota ai mo se sui tauva i se itumalo faapalota lautele i se faigapalota lautele. Afai e te filifilia le lola a Māoli, o le a e palota ai mo se sui tauva i se itumalo faapalota a Māoli.

E mafai ona e palota mo le lisi lava e tasi o patī faapolotiki i se faigapalota lautele, poo lē fea lava le lola o loo e iai.

O le lola e te filifilia e ono aafia ai le tagata e te palota iai i faigapalota mo pulega faaitumalo. Afai e te filifilia le lola a Māoli, ma o loo iai se itumalo Māoli i le tou pulega faaitumalo, o le a e palota la mo sui tauva i le itumalo Māoli. Afai e te filifilia le lola o faigapalota lautele, o le a e palota la mo sui tauvā i le pulega faaitumalo lautele.



Poo e popole i lou saogalemu?

Afai o e popole i lou saogalemu, poo le saogalemu o lou aiga, e mafai ona e talosaga ina ia tuu lou suafa i le lola palota e lē faasalalauina faalaua’itele. O le a matou puipuilu i faamaumauga o lau lesitala ma o le a lē faailoaina i se tasi.

Alu i le **vote.nz** pe vili le **0800 36 76 56** mo nisi faamatalaga ma se pepa e faatumu ai lau talosaga.



E faapefea ona ou lesitala?

E faigofie ona lesitala pe faafou ni ou faamaumauga. E mafai ona e:

- asiasi i le **vote.nz** ma faaaogā ai lou laisene avetaavale Niu Sila, tusifolau Niu Sila poo lau RealMe ua mae’a ona iai lou pepa faamaonia ina ia lesitala ai i luga o le initaneti
- vili fua i le **0800 36 76 56** ma talosaga mo se pepa faatumu e lafo atu ia te oe.

Pe a mae’a ona e lesitala, o le a alu lou suafa i le lola palota. E tatau ona e iai i le lola palota ina ia palota ai.

E mana’omia ona toe faafou ou faamaumauga i taimi uma e te sifi ai.



O e mana’omia se fesoasoani i le lesitala?

E mafai ona e fesili i soo se tasi e te iloa, e pei o se uō poo se tauaiga e fesoasoani atu iā te oe i le faatumuina o lau pepa lesitala, pe na te faatumua fo’i lau pepa mo oe.

E mana’omia ona e sainia le pepa faatumu.

Afai e te silafia se tasi e lē mafai ona ia faatumua ma saini lana pepa faatumu o le lesitala ona o le lē atoatoa o le malosi o le tino poo le mafaufau, e ono mafai ona e fesoasoani iai.



Mana’omia nisi faamatalaga?

Mo nisi faamatalaga e uiga i le lesitalaina ma le faatinoina o palota:

- asiasi i le **vote.nz**
- valaau le **0800 36 76 56**

Faamatalaga e uiga i le lesitala ma le faiga o le palota e maua foi i isi gagana ma isi faatulagaina o lomiga i le **vote.nz**

